



明文海卷四百二十

餘姚

黃宗羲

編輯

傳三十四

仙釋

尹蓬頭傳 彭輅

尹蓬頭者北地產也至元時為天瘦觀道士其道牒以羊皮綴而尚存成化間遊南都髮累歲不梳南都人呼為尹蓬頭云尹得邸寓輒閉閤臥多者踰月少亦五六日後起居常不飯人饋之食亦不辭嘗詣人會瀛麴餉

客約筮四十餘客戲尹曰公能盡之乎曰能須臾噉之
盡孫臬秀才曰某伯父接尹于市：有擔瓜賣者某伯
父戲曰公能盡之乎曰能即買饋噉瓜立盡無餘也南
戶曹李負外乞予告一日辰刻尹見李僕于都門外僕
曰命已下主人幸得告矣是日方午尹報李曰早見使
者言已得告盡趣裝矣暨僕還質問果然則道里三千
往來特一飯頃耳人聞而大異之某御史當仲秋耗磨
日命其隸呂尹來隸曰昨昔之慕尹登大中橋觀月兩
鼻孔垂涕尺許尹殆死矣御史咲曰此為翼柱非去病

也隸甫行而尹已扣門入蓋知其召已也御史亦異之
魏國館尹希全畫堂隱几卧寤而語魏國曰適遊姑蘇
洞庭山甚遠也魏國愕不信即出袖中兩綠橘畀之時
洞庭橘尚未至南也南都一貴人母敬事尹數：供衣
饌甚虔其所愛孫少未冠而病疴瘵諸擅醫名者悉告
技窮母乃乞命于尹：曰此非藥力所能為願太夫人
遇我厚不敢愛我十年功更肉此白骨也今直置兩榻
直與少年四足相抵纏縛仰卧尹鼓氣運轉嗾噀：有
聲氣達湧泉貫少年足若大火然歲府支節間者舉体

汗如雨注耗穢畢泄詰朝解其縛而少年蘓：有生色
別授圭匕葯徐服而起王文成公守仁禮闈落第卒業
南雍從尹遊共寢處百餘日尹喜曰汝大聰明第本貴
介筋骨脆難享我：從危苦堅耐入道世人總不堪也雖
無長生分汝以其勲業顯式文成悵然洛陽有野毛頭
張姓者售偽誑愚自矜飾而以聞見該洽論說雄俊引
重薦紳間客抵南都士人慕而爭趨軒車滿戶外尹識
其偽也敝衣跣而往謁隨輿隸尊稱之張方危弁高坐
側侍者肩摩傲岸不為禮顧罵曰乞兒辱吾教尹迺據

東面坐而謂曰爾欲我譚道耶張曰夫道難言頃談道者
何如左慈之羊鳴安期羨門之解形銷化且尔乞兒又
奚知焉尹因刺之曰尔無我罵尔注悟真篇恐天下尔
罵者無窮也張曰然則尔曉參同悟真耶尹張目朗音
為抽廣成壺丘延厯度紀樞奧稍論叙柱下五千文暨
內典華嚴楞伽姬易良卦彖文三教渾合之音翩翩千
百言衆驚異悚聽得耳所未聞于是始知尹之辨慧不
羣遂于元氏學也尹歸倚牆立自掌其頰數十恨猶有
勝心且道非可言：則益與道遠因鍵扉寢伏久之終

南黃山人過訪值尹睡正熟謂弟子曰謹以一芒鞋貽
尔師我不能待別矣又數日尹起問曰有友人黃耒渠何
言弟子白所贈尹曰是期我遠去也無何逆閱刘瑾潛
圖不軌惡尹私有詆斥羅而戍之閔右尹至戍所偶過
鉄鶴观騎一鶴凌空飛去論曰稽康為神仙繇異稟受
之自然非積學可合然稟異者鮮不學不學而何以合
三教也又謂養生善調攝上可千餘歲則居常不食
而爪匙無餘非康所謂調攝也耶不然而何以能至元
而弘正也我明以神仙著稱僅張邈通冷子敬尹蓬頭

三教人回視雲籤一何窳寥張冷跡無可稽而南都人
能歷道尹遺事故論者焉

尹肇頭傳

列仙傳補

屠隆

尹蓬頭名繼先臨洮人目見徽欽北狩時事至元得礼
部度牒為僧過異人授以接命之術元末常乘黑驢遊
燕雲間接命于真定遇犀盜奪其馭刀傷其身首遂入
滇南山中避乱景泰中時往來荆襄陝洛間成化未過江
西有宗室叩其術不荅宗室怒杖之垂死令至棺中昇
出生熱之尹密告昇棺人曰死則死矣幸微露窳穴少

少便呼吸其人怜而許之及奉火空棺耳遊南都成國
朱公見所佩元時羊皮度牒相與駭異知其年且二百
餘矣正德初太監賴義召至北京刘瑾時方竊權欲以
威劫其術尹終無言瑾怒遂以妖言惑衆緝送法司議
死司寇閔公珪止令招年九十免死押發原籍鉗束後于
鉄鶴观發土得鉄鶴跨之飛去初在刑部問官叩其術
合用婦人吞領之而已或再三問之自言每一接命必
得竒福是獄也豈其餘殃乎对問官惟請死期畧無惧
色一食能尽胡餅數斗酒數斗或數日不與亦未嘗告飢平

居惟單衣祀隆冬不寒

樵陽子傳 孫繼舉

樵陽子者獨灌青城山樵子也本大足縣人姓雷方氏
誕有踞而募于其門者父若母因呼之化緣化緣可二
歲父若母死安縣安縣民陳和養為子養十餘歲陳夫
婦亦死化緣孱然一孤童耳則托足青城山下童翁家
童翁翁又貧無所得食則入山斫柴售灌縣人以活灌縣人持
升米或碗許米市樵子柴尽一挑樵子不計也一日入
山天大雨雪迷失道入山益深雪盈六七尺許所見惟

高崖萬丈古木架陰壑飛鳴都絕忽一老人鬚眉皓白
手執拂子招樵子坐頃之又一老人貌頎腹便衣大
袖紫衣亦來共坐如是累月並有所指授其語秘不傳
已乃導樵子大樹下指而曰是中尔前身所托也坐樵
子石上設十二拜禮甚恭号之曰樵陽子以故人皆稱
樵陽子云老人既去樵陽子徘徊岩谷間往來聞隔崖
彈琴声或人声及跡之無有也結跣跌大樹下凡百數
十日敝衣掩形頽然槁木采藥人遇而恠之佛耶仙耶
頗以語灌縣人灌縣人轉相語羣走物色識為童家兒

是兒陷雪窖一年久矣曷不死寒餓死牝狼乃作如是
相事聞灌縣令景某也駕而之山中臨問狀而所對班
應古記非童子口吻也自言吾前身在樹中令便使人
斫樹轟然若雷震者火發其腹剗然開現委蛻高髮
垂額覆領指爪遶身其貌像則樵陽子也令驚嘆而返
尋並蛻坐處得一石匣有文字亦秘不傳有布袖有
鉄冠絛樵陽子以自有劍柔遠指今失所在其時令
下教製龕奉樹中蛻築菴居樵陽子于是樵陽子之名
一日而傾動州郡士庶競來瞻謁樵陽子遂能談人未

未事又能已人疾未者愈^益樵陽子避而匿安縣之天
池山士庶則亦走天池趾相錯其自鄉薦紳以追官長
卑蓋相望而独石泉鄧令某惜墨吏也問丹何為居樵
陽子云為令廉而仁是官人外丹令疑謂已恨刻骨而
孫弁某將曰緣為功陰教令名之妖人上變告臺司用
令追捕毋釀乱事下成都張丞某逮治樵陽子朴野至
則箕踞而評丞大恚罵何物囚敢尔痛謗之無苦也繫
囹圄三月獄上而王觀察某特廉其非辜覆丞贖身
為白爰中丞是夫童而好修安所涉人間世而感衆為

事得解久之譚中丞來檄所司即鄉所築庵建大通觀
遣還山廡後凡開府及領藩臬至者率召見樵陽子樵陽子率
一再往不拒之顧其意忽々不自得會吾常吳叅知以捧
表過家謀挾之來江南樵陽子洒然從馬來則止常之
永慶寺亦數吾過錫山龔方南伯城南別業稍一游武
林西湖樵陽子所至江南人說徵未來事若丐已疾者
麋集樵陽子不甚應間露一班即往々中樵陽子在山
專生餅黃精出乃復火食々止蔬素然終歲廢便溺良
有絕異者故未名強而自名曰思道亦書出山後書相

傳其大父孔文進士也與內江趙文某同榜友善艾鳴春蓋其人為樵陽子言如此留未一歲歸焉贊曰昔東林左古錐定城眉樹中七百年既出求復定去今青城樹中身托樵陽子是兩也玄與禪有異乎張紫陽因折瓊花事推明陰陽性命之變以必得金丹乃是最上乘法通乎此可以知所竟矣余不解為二氏言幸獲習樵陽子其人冲夷恬穆不界人我教人只於心地上領宗旨雖以通儒者言不謬嗟乎余安能極樵陽子所詣哉

落魄張傳 王淪

落魄張者一名張三風一名鉄脚張世莫知其鄉閭年紀名字之實周游天下其于鳳翔宝雞者居多形体清癯儻然而長環目高鼻鬚髯上指戴大笠着道士服垢弊不飾放情任真動止無檢故時人名之曰落魄張好和光同塵與世俗雜處時發隱語以洩其真有問之者復恢諧以泯其迹以故人又名之曰張三風經行四方其地相去數千百里之遙一日之間無死不到則人皆見之因又名之曰鉄脚張永樂初犹在宝雞蜀王遣使

徵之未發一夕而殂鄰里為具棺斂使者不敢歸道
人操之而蘓已復就徵徒行上道令使者先馳未及前
駟見其已在座上至成都王加敬礼之特厚送入青陽
宮奉侍唯謹未幾遂不知其處太宗在藩邸時嘗一接
見既即位思其所言有驗數年四方徵之竟無所得其
館在室雖犹存宣德四年冬予隨鄭王殿下之國鳳翔
父老犹有識者往：能道其事予聞而異之因紀其實
以為之傳云

無念禪師小傳

鄒元標

昔韓公上佛骨表尉潮陽與大顛往來留衣別士縉疑
之余謂此公聰明蓋世能轉法華必不為一疏便了生
平其言顛曰寔能外形骸以理自勝不為事物是非窒
礙夫曰以理自勝則犹未深悉其義也公亦達矣歐陽
蘓子才高八斗好與諸僧造還歐公曰時于其人察其
氣魄有為世用者而蘇子則時遇可人箭鋒相射蘓公
亦有通人處諸先生皆一代鴻碩好與方外人遊者何
哉蓋身處火宅入林樾觀蕭：數竹頓令心地清涼亦
以夙昔故予束髮每到蕭寺五臟若水不可言說鄉里

中所與二三僧惟推魯操作田畝無敗行然亦足敬也
浪遊南北所接僧非無赫然為世頂禮者大都落風流
講解窠臼儼然如天竺古先生者寔難其人庚寅以吏
部郎謫南北部時大司丞新建鄧文潔公為祭酒忽有
無念禪師過公以賢閤不便款洽禮而之余衙齋余亦
館之別室旬日茶飯外无他語文潔過詰曰作何究竟
余曰無語文潔曰此透体漢無錯過余曰無茫在別去
又數年念公過而訪我古樹下坐對蒲團相視而嘆余
賦詩數首別念公又別去數年不知念公入我深也者

念公名深有楚麻城人早年父母謝世家長者習其有
奇因縱之披剃遊名山隨衆作務一日有名宿曰生死
事大須是參得明始不負一生出世念公啟曰何之示
而之伏牛之伏牛不契又之七尖峰之東臺之五臺之
燕薊之了住山之廬山操苦行者各十餘年凡五臺名
山無不跋涉其所參承名師者曰少休曰秋月曰無窮
師曰古清曰偏融無不頂禮其所承指示也曰黃瓜茄
子曰提活頭曰还飯錢有言靈承如天帝語未明也如
負鬚眉不肯下誓死而已志堅功苦蓋垂數十年諸知

見君片靈^雪紅炉即証諸名宿名宿首肯始下山然不以諸
所經悟便了一日看清訛功業又復作疑得李長者
放下示者至再又始堅李長者以不善藏為世忌公終
身左右之有告之曰大貴人方怒熾曰砍^首穴胸何妨
予因是而知念公之定也諸播紳聞而爭倒屣浙直豫
章七閩焦大史陶祭酒黃庶子王方伯表考功皆降心
相聚念公時有啟發如大雨普布隨根生活諸士縉欲
徙舍：公未數日即飄然去野鶴鴻溟不可繫矣世有
自稱妙悟以為必依宰官大臣而闡揚佛法者余竊謂

清虛苦空佛之大旨不泛一草一木降心而從萬紫千
紅處逐世佛之道有是乎嗟乎狂慧風熾毒流紳珮念
公獨藏鋒避世此所以貌古風高独步一世也浩：空
門龍象有几余奈何不思作念公小傳念公懿行最夥
以侯逸史夫使韓歐蘇諸君子及文潞公起必以元某
為知言論曰世儒好闢佛：不可闢所以闢者狂禪耳
念公名^冠一世恂：若處子棲隱一山當楚中州界遙
瞻紫氣隱：隆：豈無謂哉

書齋寧王翁事 程敏政

明文海 卷四百一
予過濟寧同年友按察副使淮人石漢卿為予言州人
王士能年百有二十歲近

朝廷遣使徵之因

同入城訪為所居城東僻處老木深巷人跡罕至士能
居敗室中闐然終日鶴髮披領面如童子少婦神完氣
和與客言率靜坐寡欲之說坐夕瞑目閉息曰僕老無
能為朝廷過听而召之僕豈知道者但習靜已久近乃
日與人接大敗吾事矣予聞元末國初時曰一身之外
皆非所知也時舟行急不暇尽叩而还道聞漢卿及州
人言士能海州人生元正至甲辰迄今成化癸卯實年

百有二十歲其寓濟寧六十年矣士能少慕養生之
學不受室不飲酒食肉走四方求之不獲乃入蜀廣聞
雪山有異人投之見老人披一毡衣卧深洞中石床上
長三尺餘耳目口鼻手足皆類小兒士能禮之不答自
為執役左右老人不飲食坐側一袋所盛乾麩之狀飢
輒取啖之渴則手掬飲澗水一二升士能執役數日所
費米盡跪而乞食老人分袋中物與之苦澁不能下咽
士能難之自去拾山果野菜以濟飢居三年老人憐其
志勤苦忽曰吾語子道子得之宜出山非其人莫輕

授也士能去雪山事後不可知其來濟寧濟寧人不知其有道也後稍：知之竊俟其所為蓋久絕烟火食惟日喫棗數枚或菜數莖飲水少許而已始以為異濟寧衛指揮王宣亦海州人往扣之大駭曰吾上世有叔祖寔名士能聞先祖言好道出家不知所終翁其是乎所言家事皆合自是日往候之郡人時有所饋皆拒不受會宣有同任欲往授其業者士能望見曰尔声妓滿前日事妄作非吾徒也謝之其人大慚乃上書言狀朝廷下山東守臣俾乘安車入京且令宣侍行噫上古之人

率以百十歲為壽之常世降俗下人少斷喪其天真壯馳騫于穀利應老不知止死且弗悟其弗壽無足怪者若士能固今人之所異而古人之所常也傳曰人皆可以為堯舜又曰塗人可以為禹然則今人以為異古人以為常者又何止養生一事而已耶

劉仙傳 宋淳

大司馬宛洛翁為言其鄉有劉先生偉者曾為侍御為兖州守卒于官翁之叔父某時為某縣簿寔主其喪事或云劉仍不死往：見人間翁不以為然後僉憲山西

有衛經歷某者亦翁鄉人也朔日叅謁不至翁詰問之
对云夜因刘先生過訪且遂起遲耳翁問刘為誰曰故
兗州守也翁大駭異命經歷與俱來憲長蔡公曰佐貳
備酒固難吾當主之既入見即握翁手縷道平生事
且云子昔癯也今肥矣又曰子記彈琴時事乎我至而
翁家備酒食款我時河漲不克渡但殺雞為黍命子撫
琴子為彈昭君梅花二曲今忘之耶翁曰然時憲副李
公川夫声名籍甚跂足卿相蔡公曰先生言吾三人者
誰最先陞曰汝問即汝陞矣李公曰聞先生死且久矣

然乎曰不然也汝且死耳即席唯飲酒穀肉食皆不御
清戎察院聞之曰異哉故臺長也亟遣使招致之遂不
知其處徧境內物色卒不可得是年蔡陞都憲李落職
言皆驗翁云言兗州為人素以理道自閑父母喪皆廬墓
三載妻亡不復娶方為御史時住慶壽寺閉門謝客積
書至數櫃每出必自封識人莫窺之一旦以待班早出
不及封康太史对山密往闚之其床帳朴陋殊類庄家
櫃中所貯皆丹書也其在兗州日忽終南山一道士至
家謂其子曰尊公今日入吾山中特相報其子曰吾父

方守克州豈有是哉數日後訃至計其亡為道士至家日也至今垂四十年未有誌者必及神仙事其子雅不欲以是名先生故久不誌云司馬屬曰神仙之說吾儒嘗誡之謂不足信然葛洪子晉洞賓希夷載在子史豈皆欺世之言哉即宛翁之言劉先生事乃耳目所覩記翁初不信先生先生之見也寔欲示翁而明其非誣耳然必于信翁者何哉夫海蟾之術非藍方不傳羨門之訣必義山始得翁昔在獄中遇名仙雙了髻謂翁有道氣致之長生翁曰吾儒者有殺身以成仁安用此又

授之以黃白之術翁曰吾儒者一介不取予諸人安用此復了髻曰謬矣予謂取予諸人者豈我之謂哉翁于是蓋有得矣今年歲七十而童顏色童赤形如野鶴聖胎真訣固有所受夫豈凡品可得而與聞哉

劉太守仙解傳 趙樞生

太守劉氏名偉閩中人幼慕神仙長而愈益好之正德間舉進士第始為御史出守楚郡一日忽封函寄其家與為訣當以某日逝父以為狂不之信其母獨曰兒平生謂之好談仙事今得無有異盍使訊之及令家人

至治所則果逝矣因祓殯歸既行徐覺棺輕及抵家若無物者父母趣啟視之僅遺舍歛具尔因大駭以空棺厝之公既得仙蛻去乃别自称刘胡子賣葯于山西代州人初不識其何許人乃病者以求葯隨以凡應不索價無不立瘳者又相人言未未事輒奇中于是代之好事者莫不敬相傳曰刘胡子刘胡子有云秀才甄成德李念及弟愈三人乞負才士也聞劉胡子善相二李先往詢之公一覲會即許進士仕當為給舍愈幼素僕戲呼之曰刘胡子試觀我何如兄公摩其頂曰孺子乃

玩哉本不應語若然若寔亦進士也位清要即次乃兄耳李既得振趨往告甄、在三人中蓋素長不欲往二李強之乃往公就相之曰君勿憂不貴後當為李官也甄喜即投契數隨侍之後知其有金丹術握手引至靜處向公再三叩之公曰若問吾、惡能為若諱然係上清秘旨凡人誠難知今有一養氣訣授若、其持而行之甄謹拜受公客代州久代人第知為刘胡子無能踪跡其所自會有一商人過見公愕曰異哉前吾息人劉太守是也胡為未哉公始佯不喻商即長跪再拜道某

前以某事完繫郡獄賴公平反得釋公度不可隱即云
吾已出家戒令勿言公既為商人物色得遂遁去越數
歲復之留都留都時掌臺事者韓公邦奇與公少為同
學生復聞公為太守死歸葬一日出三山街見一人山
中道服行廊下狀似劉節停節呼吏附耳語令躡其後
偵之果劉也便強與俱來吏如指往公不色遁尋隨吏
先詣韓私廨韓還見公犹疇昔時人也驚且喜便設榻道
旧事接殷勤甚懽已設飯食公談笑言動舉止皆如平
生韓公始終疑之意其死已久此何物者韓謂鬼畏燒

酒試問云公能飲燒酒否徐笑曰若疑我鬼耶吾故吾
耳取燒酒飲數斗無恙韓公始不疑居久之辭去僧寺
中宿韓公時：與六卿諸公詢訪之而後諸司官聞公
名悉來通謁車跡遍寺門矣然公多辭不見惟韓公同
往者乃得見有官求見公不獲隨寺僧引至公所居則
闐無人焉官怒趨出欲扶寺僧：再入求之則公又在
僧具道所以公曰不可以吾故累若乃出見之問功名
不答公自是遂辭僧言欲往他所忽不見不知所終時
時嘉靖戊申己酉歲也其後代州三士者念與成德果

為給舍愈部郎甄所傳養氣法至今行之秘不肯洩甄
為家大人同榜進士立都外史曰余聞雲笈真誥瑣言
內傳等書其言尸解事類狀非一即衣在形去者或與
白日冲昇者有間然軼却疾延齡之科數等矣第初逝
時令人心惑不信如王屋同學四子者不少尔洎逝後
幻跡往：處著：乃始信其不死故非有卓見素測歸化
理以一覬為快者難與道焉太守雖靈誕有自然其積
基繫構成其^幻志尔學海必至者欣迨其業舉子入殼
又逐世資膺治民臧非外三生別持功行者也其皆以

過客視所歷者邪抑世之調儻奇瑰之士稟上元虛者
非鮮盖有敝蹤塵徑入山出林一往不返者測其所之
尔當乘雲躡虹遨乎不繫之域然声湮迤沒不如太守
之膺世資又昭：處人境而蛻去：而不死而迹留異
矣然太守方駕冥濛穢埃埴其以留者為重與否邪余
欲學太守者觀其始終顯化是以列其行事著于篇

席丘悟宗禪師傳 祝以幽

悟宗禪師名慧惺悟宗其號也俗姓畢氏韶年出家于
席丘山寺会晒大藏諸經淨宝經積讀之尽百卷慨然

發憤以佛果為必可証其師澄公泊二三僧徒日為治
活計而蕪俗緇流市酤以為常師不得已偕眾之海虞
市井不二價遠近歸之息頗贏一日晨起坐肆有行脚
老衲乞錢十二文作齋供師予其半及午無與者師如
數足之已而老衲至肆見罌冕雜沓麤糞熏灼大呼阿
彌陀佛至涕泗交下且泣且呼如是者數十声逡巡而
去自是不覺悔悟錯愕失声叫絕仆地師有兄在肆
遽拒之起師亟趨于慧日寺前追及之師稽首搶涕地
泣號呼曰大師何以度我衲曰尔辨此一片勇進心亦

大難得師復稽首願得少住容某畧一經紀肆中事毋
以逋責為儕輩累即隨行脚行矣衲曰我一生行脚無
伴侶汝止自修自省自忝自証我行矣無多言師再拜
問姓名及挂塔處以俟異日忝尋曰我雲水乞食有何
姓名挂塔處可言汝只自修自省自忝自証可也師知
不可留即從所識稱貸金錢若干為壽衲固辭師固進
于是取金之最小者一錢十餘竟去師歸恚弃旧業苦
行熏修南走天目天台西走九華匡廬一時名宿如無
碍無際雪浪諸人無不為師印可而師机鋒迅捷言下

承當諸名宿亦無不驚嘆以為法器今世無兩然師之
崎嶇跋涉意寔主于前之老衲以為庶幾旦暮遇之果
邂逅于匡廬五老峯頭相見悲喜交集始知為西竺國
善多那師覺其日用四威儀頗有神異徐叩之曰此準
提呪力也師曰世人亦多持此呪何得力者少曰第為
世人太聰明師曰聰明何反不得曰世人一味机智有
甚聰明尔但洗心齋戒持呪百萬不獲灵通如未神呪
即為妄語且尔發願持呪已見灾迤潜釋至于得日尔
豈自知師稽首遂以神呪授師與大藏經中小異更直

捷易持今呪畧已刻行世矣師後遊八十餘日最後得
指示密諦而歸于是掩關不出閱二歲經至萬餘卷手
寫華嚴及行願諸品各若干卷晝夜精勤不出關者凡
十有八年遂圓貫通徹標示一看以為宗旨謂當体全
空觸事而真無边妙義一時融盡所著有一看關集三
十餘種刊布者僅心經測引蒲團感念數則餘度之龕
中戊申夏雷雨大作崖石裂墮師時默坐龕中併龕徙
去數丈沙石擁師四大無恙也嗣是出關以戶庭為限
近復以二三門為限僧臘已望六而步履便捷如少壯

一布初無以異于諸儕輩無論豎駮庸緇無不稱悟祖師亦無不煦然接之一切都忘尔我崖岸薦紳先生若髦士時時就師有所叩師一二語破的中窾輒極意去戊午夏余以行役避暑虎丘得與師周旋者旬日餘每下春便岸憤羽扇納涼萬松下與師各踞一石坐余于禪悅軒所解偶一問難師觸之如瀉懸河余時時怙恍自失也既得師所撰點頭石六偈叩之師曰若所謂口頭禪于寔体真悟尚隔而余以行役期迫他處言別曰據師所自述生平本未及余一時周旋所得于親見者

識之如此茲行當遂乞身長弃軒冕求所為寔体真悟者不然點頭石行且咲我祝子曰世世緇宿如達观密藏輩豈不稱聰穎辨博然不勝人我揀擇之相至于吐弃名教揀擬今古者又幾于無忌憚矣彼徒見世之庸緇曠以為世人盡不如我而學士大夫借以為名高者厚不憚俯首下之不知宇宙甚大聰明穎捷者甚多未可以能繙三乘六宗語便謂世人曠而真以為學士大夫亦盡不如我而恣其貢高無忌憚之心也達摩面壁九年專能不識一字奈何以辯博驕人辯博驕人在學士大

夫不可而况披忍辱鎧者乎修出世業闔然日章惟吾
 雲棲蓮老然亦無奈學士大夫之借以為名高過為尊
 礼于是緇素輩奉之遂如釋迦住世而一片真寔平等
 心卒無奈蓮老之蕩無町畦何也今悟宗惺師其傳綜
 穎敏不遜達現諸人而真寔平等心又絕似蓮老然蓮
 老僧臘既高叅閱復廣晚年見解弥精而收視返聽退
 藏于密若悟師者假我數年不知于蓮老何如也近世
 如憨山者是一無髮宰官經世比丘自當^別論

明文海卷四百二十一

餘姚 黃宗羲 編輯

傳三十五

仙釋

俞長沙傳 林大春

明興二十有七載天子臨軒策士得張信而下百人有
 俞允者字嘉言松江華亭人也官拜楚府紀善改魯山
 令尋遷礼部主事奉命使楚坐還報失期謫判長沙故
 今称長沙公云初長沙公少時為人疏節倜儻不羈然

能力耕以事其父；性樂施予，嘗與道者俱。一日有道
人者，羽衣策杖而過之，曰：「止宿焉。」父命侍食，侑以美器。
道人輒墮其一，公殊不為意。過之如禮。明日，道人者出，
遇少年行博于市，旋博得一器，以歸。其器絕類昨墮者，
曰：「器固無恙如是。蓋道人業已預知有此，姑以試公耳。」
迺公固不為動，而少年者輒恚憤，益急與博。徒十數輩，
求博道人，道人與之博，必得奇勝。于是少年窘甚，不敢
開，咸竊驚異之。公曰：「咲而問曰：『技可學乎？』曰：『子有奇
氣，異日當奉大對。』為天子命吏，是不足學也。」遂別去。

公悟乃始折節為儒，補博士弟子。是時江南甫定，經學
失傳，公獨得三傳于蠹簡中，玩味久之，欣然有得。乃以
春秋舉畿內高第，至是果舉進士，歷前官如道人指其
後之。長沙賤所，未至會道，病暴卒。已而復甦，先是公病
已革，已易箆，待觀于沙門七日矣。忽有醫者，貿藥而至，
或戲之曰：「寺有死者，可復生否？」曰：「可。」入取青囊一粒，納
公口中，有頃，得嘔數數，聲竟起，不死。于是家人大喜，競
以金帛酬醫，無所受。詢其姓名，亦不答也。第云：「長沙
有白鶴大仙廟，盍往修之。」俄失所在。眾皆駭然。然後知

其為白鶴仙人也。或以問公：始為言疇昔事，謂我寔神遊其地而未嘗往也；往而復還而未嘗往也；其靜定如此。及至官訪之，果得白鶴廟重建焉。居七年以壽終。後六世孫汝為者，復以毛詩舉隆慶辛未進士，假守潮州。為予道事。林子曰：予少客吳越間，嘗聞吳中人士往談長沙公，始終遇仙事，私心異之。及得其孫戴守公所為事狀，始知公蓋儒而自託于仙者。其于生死之際，視若夢幻，亦可謂有守能不乱者矣。而論者又論地謂地上之遇濟北之祠，卒成帝師，以光輔有漢而公官不過

為郎位，不過別駕，以為公憾不知公于死生能齊矣。彼區區得喪何物者，且以賈生之賢，尤不免于長沙之悲。而公乃不聞其有憂憤之辭，投相吊古之賦，其似賈生處此，似為過之。由此觀之，其迄于今以有胤嗣也，宜哉。

達觀大師傳畧 陸符

師諱真，可達觀，其字也。晚自錦紫柏萬曆中，慈聖皇太后欽師道風，上六雅廉知師，謂若此真可名一僧師。遂取以更其名云。世家于吳江之攤缺，沈姓父連，字季子。其先句曲人也。師生有異徵，雄猛不可羈紲，稍長志益

大飲酒恃氣慕古游俠之行他日自言吾本殺猪屠狗之夫蓋道其寔也年十七辭親隻行願立功名塞上行即郡城楓橋天大雨不得前席丘僧明覺者過視壯其貌問知遠行日以蓋接之歸具晚食夜卧聞僧誦八十佛名號心忽開悅侵晨起告覺願出家遂解腰纏治齋覺即白衆為祝髮因礼覺為師是夜即兀坐達旦時覺欲募鉄萬斤鑄大鐘師乃独身往平湖跌坐一巨室門外主人進食不食問何為曰願得鉄萬斤鑄大鐘鎮席丘山寺主人立界鉄如募師為舉食徑載之歸即閉

戶讀書歲餘不越閭年二十送講師受具戒掩關武塘景德寺三年辭覺抱腰去叅訪聞僧有誦張拙秀才偈者至斯除妄想重增病趨向真如尔是邪曰何不云方無病不是邪僧哂之師大疑到處書二語于屏送悶至頭面俱腫一日齋次忽悟頭面立消曰使我在臨濟德山座下一掌便醒自是氣宇凌鏢諸方矣初祖西來以楞伽印心從上祖家皆精其義立為經宗勘驗來學宋弘覺範夏末法失傳遂為智證傳僧宝傳諸書以撰述佛祖旨訣其書世多未之聞見師搜得古本大喜因游

匡山深究相宗精義既而遊五臺至峭壁空岩有老宿
孤坐師作禮問一念未生時如何宿豎一指又問既生
後如何宿展兩手師于言下領旨尋迹之失其處至京
師叅偏融大老融問何來曰從江南來此何事曰習
講又問習講何事曰貫通經旨代佛揚化融曰能清淨
說法乎曰至今不染一塵融命師解直裰施旁僧攬其
裏曰脫却一層还一層也師笑頷之遂留時與知識嘯
岩法主暹理諸公叅證所得乃歸省覺蓋去辭覺時已
九年師見道法陵遲五家綱宗墜地以負荷大法為已

事倡刻大藏廣其流布日以智證傳一書囑付傳習或
時教人專持毘舍浮佛偈謂此偈是去來諸佛心印禪
之真源嘗言吾持此二十餘年已熟向半熟兩句死生
無慮矣先是有南昌諸生出家補陀曰密藏道開者聞
師風未歸師深器重留為侍者凡法門大事如復楞嚴
寺刻大藏復化城皆以屬之師終身不受人祈請出世
終師世亦無敢開堂受請者獨與懸山清公為友嘗對
四十晝夜不變睫曰有志修國朝傳燈錄與清公約
共往曹溪開導法脉遂從帝京繇三晉歷關中跨棧道

至蜀礼普賢順流下瞿塘過荆襄登太和至匡廬尋清
公約時清公以興復勞山海印寺為黃冠奧援訐奏被
逮師聞報禱佛異佑不死獨往曹溪將回採都下知己
得遣雷陽戍曰往白下江關待之相見執手嘆曰公以
死荷大法我何人哉公不生还吾無生日他日即先公
死後屬事公清公至雷陽得間過曹溪曰此達老志也
吾以行閒至殆不偶後公得釋即住錫宗風振焉時上
以三殿工開礦稅中使輩出有李道者劾奏南康守吳
宝秀抗旨逮治其夫人哀憤投繯死師聞之曰良二千

石為民請命死其妻身且不免時事至此乎遂入都門
營採授以毘舍半倡令誦十萬當出獄吳持至八萬上
意解得未減師曰喟然曰憨山不歸我出世一大負礦
稅不止我採世一大負傳燈未續我慧命一大負釋此
三負當不復游王舍城矣其時門弟子皆知都下側目
師已甚相繼奉書勸出開侍者刺血具書隱去當師居
方山時嘗卜出處于李長者誓以身命弘法故報書輒
謂吾當斷髮已如斷頭今更有何頭可斷其意以出家
兒大事既明身心尚有僂辱揀避雖比古之立名義不

侵然諾者尚不可得况欲称祖家兒孫操提正令以殺活天下故雖謗師形章疏不一師處之屹然居無何妖書事發上震怒方大索先是江夏郭公正域為少宗伯以楚藩事與政府抵牾而吳江沈令譽者師弟子也以醫游公卿間尤往來江夏称最善羅織者遂欲乘妖書中郭即掩捕沈拷掠備至沈終無所乘惟篋中搜得師與令譽書乃營抃清公謂勞山海印之復為聖母保護聖躬香火今毀寺戍清是傷聖母之慈妨皇上之孝也御史康丕揚得之遂據以聞先時慈聖聞師至命近侍

陳儒致齋供賜紫伽黎師受供謝紫衣適從石經山得隨時琬禪師所藏佛舍利因請入供太后出帑金送歸石窟言者率以糜內帑金錢為師咎一日有中使奉上命賫數千金請師印藏經頒賜師不奉詔曰印經自有人中使固以受上旨堅請不肯去其人嘗從師執礼者師呵之欲起杖不得已復命上笑曰固如此僧非利財者上嘗手書金網經汗漬冊紙疑當易亟遣中貴馳問師以偈進曰御汗一滴萬世津梁無窮法藏從此放光上覽旨

大悅以故劫上留中遲之乃下命大金吾研審而已時
師居西山潭柘嘉福寺諸校夜至不敢白但匍匐求開
示師為語竟夕至曉諸校伏地哭出帖師命治齋禮佛
書偈別衆就訊以三負對無他辭傳送刑部對如初有
郎官嫉師者同鞠故令杖師凡對簿直入跌坐階下左
右襍投刑具唱声恐嚇不為動受杖已復起坐獄詞無
可按特以救清公書謂語連朝廷欲引子罵父律不果
竟擬左道獄具將上師聞之曰世法如此久住何為乎
字付侍者性田令致江南法侶田哭師叱之曰待我二

十年犹作此去就却食飲尋說轉生歌子夜猶口授十
餘偈黎明索姜湯嗽齒就地坐誦毘盧遮那佛教声閉
目不語有御史曹學程先以言事繫獄聞狀趨至望見
輒大呼師好去師復張目微睇啟手扶兩足跣趺以逝
時萬曆癸卯十二月十七日也師生于嘉靖癸卯六月
十二日世壽六十有一法臘四十有奇師報逝待命六
日坐風露中顏色不少改遺命毋龕歛周以薑埋葬慈
惠市土坎中次年春夏霖雨及秋衆屢淹漬久令田侍
者鳴諸當事得請歸龕啟視端然如生見者悲慟如佛

復出傳聽未現奔動畿下龕歸江南途中尚多求啟視
瞻礼者江南弟子議卓塔地持未决適園中錄刻成寄
至中有恠未隻徑為隻樹遂定議歸徑山師相好魁奇
雄碩威掩萬衆童真絕染膚体如鉄石日飯數升過中
不食自出家即脇不到席四十餘年如一日所至設高
座懸灯趺对密蔵開公常侍立聞雞鳴過語師曰學道
人坐地安問鷄鳴始行脚二十里足痛以石砥足至日
行二百里乃止嘉興楞辰寺初復禪堂成師題一聯謂
當以血書之引錐刺臂血盈盃用絮漬大書榜上嘗至

膠西秋水時至欲渡衆不可師解衣先涉乱流及肩疾
呼衆前願謂曰閱生死要當如此師身律戾至于忠孝
大節尤為性薦幼奉母訓不坐闕終身立不敢近尝礼
佛始進食在潭柘值客至誤先舉乃对知事曰今日有
犯戒者命尔痛杖三十輕則倍起受杖就佛前伏地受
責如數在陽羨山中讀長沙志至忠臣李芾城守垂陷
授劍部將斬其全家部將慟哭命受已而自殺執卷淚
迸如雨旁侍者不哭叱之謂當推墮崖下所至梵刹見
祝聖牌必敬礼愿書初授必加額始開覽白衣弟子入

室激發以忠義懲戒貪暴形于論說至謂教人制舉業
進身便為大盜劫財較昔人画為入馬腹其罪報當愈
甚師心慈外貌威重及門弟子多賢豪搢紳御之平等
尊戾不少假嘗言法道非貧人為牛馬以世情求法不
入吾室我不恨也惟遇利根男子錐剗不少假借當机
不契恨之直欲頓斬其命至誘接下中隨罷盡量人自
習安駕緩畏其攀躋多望崖而退焉明覺者故嘗好醫
一日還家畜妻妾以醫名吳令然移居大澤中深自匿
師密使人踪跡詭名字称病卧舟中邀覺：至見師大

駭師流涕嘆息覺皇恐惟命遂剗除乃反執弟子礼師
行脚見名藍慶址必發願恢復從楞戾至歸宗凡興建
一千五所歸宗遺跡僅古松一株寺僧薪斲幾折將盡
代售米五斗有丐者乞米贖免師逼而累土石倚築呪
其下願松再榮寺當復後松果日茂寺竟因師復云師
聞難無敢為之訟寃者當是時惟侍者性田周旋園中
故有松木冷重雲獨見田侍者之句田嘗熟入幼嘗事
慧日寺比丘古林貌癯頽起純体筋骨性突兀不易
馴擾已林遣執事供事惟謹頷頤指使氣息相應中

夜承諾警絕無寐少不知書索奏籍筆劄隨所命必應
手師有所往頂笠即行一肩追隨若預裝者常呼為
小道人或命為田道時遭痛杖初無怨色一日逐之使
去田哀訴無所出故雲向大士礼清淨三業文是日
声鳴甚悲音齒忽異師問知為田乃復令入自此下復
加杖師示寤報訃江南復北上奉龕歸往山始剝徐不
踰年微疾死塔骨寂照庵放生池山左曰田侍者塔云
師龕始供庵中越十一年定葬山後黃沙灘人言其地
有瀦水改卜五峯大慧塔之陰曰文殊臺已擇日火浴

矣清公從南嶽數千里來採文預定祭日適與期會遂
把火焉師有文集及園中語錄金沙門人合刻共一十
六卷後三十二年有私淑弟子四明陸符刪次補纂為
紫柏心要數卷序而歲于家論曰嘗聞震澤間有寺名
普濟者寺中有古栢一樹奇絕吳興閣學某嘗蟻舟具前夢
師登舟謾作風声明日起入寺婆娑樹下若有所見
後追錄其夢正園中滅度日也目疑師以樹中神道成
而歸且曰師固雲彌紫柏云至考師心行本末若其夙
命前知顯迨坎土直以肉身熾然說法自非古佛大

士酬願一出豈易得此也哉憨山老人曰正法中可無
臨濟德山末法中不可無此老誠哉知言彼樹中神何
修而得此于出世乎

僧有相傳尹民興

師名如堂號有相南陽人也示寂于己丑十一月之九
日八十春秋有二矣始師有歐歐之疾住岳陽深山中
持華經二年夜夢金臂人飲以玉露疾遂瘳掛錫出泥
庵則丁亥十月也師嘗匡坐而含笑余問曰何笑乎曰
予心樂尔不知所樂何事也頃之天暑甚予氣喘出師

從容微哂曰寒暑小事也不守如此它日生死場中何
如哉公能澄定此心則入水入火無往而不自由矣余
拜手誌之今秋九月絕粒不茹惟啖枣栗已辟枣栗惟
進熟湯如是七晝夜張目語予曰本以十月行困修懺
事展留一月旦日酉時予逝矣及旦礼十方佛入奩跌
坐久之衆竊听為念物有声縮不忍視師覺奮声呼曰
去弟子本有合十指甲爪態懇上請曰師何去曰竟往
佛国至則火光銜：化作金蓮花而上所謂無往而不
自由者與夫性本空也含十方国土僅如点塵何況水

火是以至人出入其中故能函蓋游戲情識既生則為一物與水火偶觸之為焦為濕入之為溺為熱既不勝水火而我且為水火用如是為恐怕為痛楚為壞散既壞復成則為欣羨為悅樂為貪戀轆轤不停而我本有之空性未嘗毛末減也今人或夢火灼其膚醒時無有此可以知師之用火至平無奇至常無怪矣覽現師事母為魔說

阿顛傳琴逐球

端之白雲山其頂有湖故訛為昂湖與山相吞鬱為

氣故其出雲蒸動深糾人入其中者如虱入人破褥綿絮間甚至對面不可相見山故蒔茶在絕壁歲不過得一石許價可至百金烹之作素馨花氣人多喜之不能恒得僧特茶為給聚居其上頗有田可畊與人烟隔絕不能行乞也阿顛者不知其所從來投居僧寺時為之采茶雖寒甚不肯衣布自編草作衫幘織為屨此其足倍長濶曳之行或掛之杖頭壁間或食或不食時出公入雲深處呼之多不應與人語多不相解曰共呼為阿顛其腰間有如黑石者二無事則出而就火燒之見人

未輒從火中取出收還故處曰燒未熟；可與尔共食
視其睡席則甯中處有雙手掌痕中夜所之喃；不知
何為山故多席一日咄二牛去僧戲謂尔可為尋之顛
忽鞭草為索曰請繫之至既薄暮望之不見還返朝射
入峻坂上雲破處忽見其以杪索環一白額虎頭跳躍
則與之偕跳遙見人則益以拳鼓席領持其耳急來
人羣出觀之近且皆畏走疾語顛可放之或蘓；語謂
且勿放于是持至寺門前引席頸中索鞭背腹至數百
乃聽去席垂尾疾走若犬畏人擊狀人以此乃怪異

之顛如故嘗遊人聞因而就之語不恒得見或見之語
亦不相入禮之則走蓋至今在白雲山中

愚者大師傳徐芳

愚者大師皖之桐城人也始居浮山自稱浮山愚者在
天界為無可師入匡廬為五老至壽昌為藥地或為墨
歷有訛呼木立者即更為木立云東海生曰皆非師本
名也強為之名宜曰愚者愚者幼負奇志父貞述先生
領袖清流一時方之龍門元礼愚者俊譽即不減雲間
二陸或且李長源目之愚者以為未知我也其自許乃

如子瞻讀黨人傳時意嘗在范孟博者少時嘗避地金陵與吳門楊維斗陳臥子夏彞仲諸子善是時海宇多故寇自河汾西渡肆躪豫楚衆且數十萬間束手短氣維尾寇壑鄰異旦夕緩責賦繁民感大勢岌岌在廷方恬嬉堂燕或洵擊作同室閱無與圖其艱者愚者憤甚則日與諸子畫灰聚米籌當世大計或酒酣耳熱慷慨嗚咽拔劍砍地以三尺許因誓他日不相背負當是時愚者意氣壯甚其牢騷噓鬱一一洩之于詩今所存白門諸艸氣韻沉頓仿佛漢魏人音節雖年甫踰冠而詞

坵老宿皆為避舍愚者舉進士在崇禎庚辰是歲貞述先生以楚撫被逮愚者為上書請代卒白其枉語在本傳有詩曰激楚讀者悲之尋擢翰林檢討供事講讀闕賊陷京師愚者見繫幽囚榜楚幾瀕于死南中再建貴陽相當國與阮大鍼比以門戶旧却梧擊善類無虛日尤忌貞述父子愚者嘆曰是尚可為或不疾去人將濁流投我遂褫衣散髮遯跡五嶺以賣葯自給閩越數載連用館閣名皆不赴止何粵再潰有見索者愚者嘆曰南荒盡矣舍西竺安歸遂披緇出見客當事欽

其志操待有加礼尋以貞述先生老还侍浮山子舍僧
栖廬隅斬孺童婦女皆屏勿見會浪和尚闡法天界
愚者輒侍往禮珞決心要久而有得遂師事之以避喧
閉閤高座三載未幾貞述先生訃至再返桐江結廬三
載有乘廬中已心圖曳尾溯江登匡廬五老峯再入盱
江訪所知愚山荷葉山中適山行脚遠出則就所居中
菴栖止凡三閱月寒鏘破灶晚汲晨芻皆手操之愚者
懵然不知為何等頭陀也會有居士鴻莊者見其策頭
一書呪之曰此桐城方密之筆也奚為于是捉鱗前詰

愚者猝不得匿為喙然咲白是踪跡綻露壽昌青原相
次禮請拄杖所歷法鼓霆震諸方咋舌謂師故儒而當
机作畧乃能遠紹前祖若是愚者于古今書無不讀曾
中全具七畧四庫又能編貫毫析究極微渺詩文力追
古大家時出別調尤深莊易著述甚富予所見有浮山
前後集數十卷大易時論十五卷乾莊九卷物理小識
十二卷通雅十卷他宗門襍撰稱是同時有嘯峯者
皖人嘗歷官都諫與愚者並師浪公先後主青原法席
時稱皖江兩大師宜附記遺史氏曰嘗讀刘秉忠对世祖

語嘆其奇而中也又嘆釋之教屢斥于儒而當其交乃合而有助似釋反為儒設且以北轅瀛國既已易弁為冕而南堂野僧忽起而叅帷幃西方為政之言亦既驗矣其後伽藍顯卜皇覺緣以肇基度牒秘遺西山藉是返骨道行稱佐命善世雪菴為護法沙門三主兩朝龍驤鳥逸皆有殺活大手應緣其間豈非近代以來絕奇一公案哉吾意以是始者之以是終也若愚者師天固予文人俠客高士真僧之外別創一格以位置之者也夫諸祖傳燈未聞出身科目今于獅子座上現宰官身則釋重兩榜掄材所得不踰卿相今于進賢尉裏開選佛場則儒重而數百年之科名亦重此又釋伽尼東西分化來之兩大奇均是人也獨負數奇以遊天地間愚者之愚豈可及乎

慧常傳 蔣鏞

慧常者以行脚卓錫長林之金竺山里居士沈七老時與游七老家修符籙召道士朱法官領符錄事既齋戒設壇場而七老請法官曰人謂大師道力游行三界能攝其神入天門乎法官曰可引七老登壇伏而自伏壇下

須臾諸天闔如王者宮殿朱門双啟見慧常持慧掃天門下遇七老驚曰尔安得到此幸今日值侍趙公若他將公不得生还矣遽匿七老户扉後已見金甲神巡至訊侍者安得生牛皮氣當是時七老固曳履革命索之而慧常前揖神敬礼之慧常以身翼蔽户扇乃不敢索神徐去而法官捧檄自天門出携七老明旦往請慧常謝至山半侍者捧盤迓肅迎曰師知居士見過命候道左七老驚因拜慧常具謝解救得不死狀慧常曰此地那可戲行然亦公往因也七老曾孫謙長林知命士有

文行余博士長林謙為道其事甚悉又言朱法官道術亦甚灵異常渡江以一蓋投江中捻訣禁呪片時飛渡後飲酒醉寐訣解沈江死

明文海卷四百二十二

餘姚 黃宗羲 編輯

傳三十六

詭異

觀察副使陸文順先生傳徐時進

公名健字文順一字文柔余髫時則聞長老譚公少時
事疑為好事者託齊諧志怪比得陸乘質所聞良信公
少而食貧弱冠讀書招提斗室中舍兒授餐不恒至又
岍：不向人勾貸枵甚則斃僧庇供朝舖又乏薪伐羅

漢供爨間拾瓦礫戲擲之祝曰礫所中歸灶下而所
中為伽藍神先是神見夢于僧喞為護吾當避此人三
十年僧借其徒以夢謁願得長奉薪無缺公笑而置之
諸市兒更相哄動為公採巢穀佐酒尾公皆與之由
然不之拒夜讀書坐達曙不就榻以為恒需多膏取自
長生明玉盃僧即代供膏不以煩公夜供茶矚公坐矚
矚如立或謂神戒僧謹事公僧亦私念世無恒人庸得慢
為異日種譴耶學使者行部送着子衿不能具以告
宗老宗老檢篋無藍縑貽一青即召縫人為青袍或問

能着此謁郡否曰能即以謁郡：君喊之問已听鹿鳴
耶公正色答曰從主君賒此數月窶人子省得一翻辦
衿事耳其儕皆掩口出郵學旧無明倫堂宝雲寺扼其
左與庙孺鄰無從展地戒香寺為女僧當廛中時為行
脚托宿甚溷自公在泮即以請當道撤戒香寺徙宝雲
寺於其址以宝雲寺址為明倫堂錄戒香木石供堂用
左右廊廡東西祠閣一：位置殿閣皆出公所規畫也
弘治壬戌成進士辦事吏曹當時多器重公面與語當
臺者省公謝曰誠得一官自効唯命何必清華于是得郎

北部一騎斃、長安道侃、發舒絕不與人疎親人亦無為公延譽者久之拜命僉貴行兵事駐思仁故苗窟菽也乖西鼠獍獠奇險劄寮連諸苗薦^食銅仁石阡間無寧宇故設棧出入如坦途官兵狃之亦渡棧踏机墮井中不煩血刃無一活公至笑曰苗雖蠢動詎肯平治途迂官兵入即何至愚乃爾于是罷征議苗闌出則稍逐之不深入去則陽示倦不能軍賊亦漸懈募黠者削其顛如行脚僧入乞施悉其旁徑宵懸小囊如裹糧乃草寔而苗境所前無種者撒岐路東西分處先是下令

吾兵亦人耳豈以宿此輒等猿獠而責之緣山升木為吾甚怪若之以捷為能也又取拳石附膝間禁弗踣殊苦之不得其解發春草種生下令去膝石間行直抵窟所當入途以草識賊皇遽不敢戰走踞山巔滾木石如崩雷公先期為板屋挿兩襄為庇雷敷不能傷徑窄且折屋不能取途第為屋材人肩一已入抵其處乃為構不逾時屋成賊以為神又前以壯士數人扒山掩岩後豎幟發炮賊驚擾不知官軍多少氣奪無鬪志勢若振稿矣賊膏草野無算所俘二千餘人殲其魁諸宣慰首

長爭上牛酒搗軍又獻黃金公怒麾其金咸咋舌叩頭
此殆天人另一副鉄肝腸方在師見有童而角差類華
民者輒録之逋其誅得男女二三十口公喟然此亦無
辜自吾少貧見餉于諸長老厚意久不報以此藉手歸
諸公掃除不亦可乎圍之一室伺者少不措意則踰垣
去公怒追殺之意其餘當脅息不復尔而逸如故公咲
曰吾乃欲誨尔狼子野心使為良民亦過矣且吾為
能長養此長蛇封豕者辟之獵人已得豺虎狐兔奈何
不以擊鮮而任逸哉乃盡殲之抉其睛和酒浮大白議

者謂公殺已降其不能以功名終有陰譴哉公于死生
利害之際了弗関懷而應卒多當机以免党獲盜令獄
吏録犴狎或恐之且去而拇盜皇甚以重賂脱狎斧門
出直趨堂其黨大噪繼進公入室下捷從後牖登屋以
鞞行及私署舍中兇望公來授公弓矢公迎之自墻盜
行及發一矢輒殲矢發無虛盜以沮而授者亦至矣世
莫不羨公才而又多目囁公不使盡為用也先是直指
刘以巡方至刘少年倨甚公不為屈竟亦無以難公故
不無快代者為刘報恨掩其功盡以歸中丞僅得金

金幣賞稍邊為福建巡海兵使公不能無望瘴毒發卒
於闕其之闕五越月耳嗚呼悲哉公配封安人祝氏余
母之從姑也余得聞于祝之長老視吾家乘載有溢焉
以此柩抵墓道斃斃廣柳生平交知罕得如巨卿其人
為追送棺不行祝安人拊棺慟曰為吾不從下泉耶
吾自揆未可與公俱也以公清勁為朝家奮不顧
身寧此遐甸所不志乃公良有在而待彼即棺遂
行外史氏曰吾觀陸公張胆明目恢達不拘似狂一
物不滓上友黜婁似狷其在聖門子路之儔與由之志

固曰南山有竹不揉且直矣子之誨之又曰括而羽之
鏃而礪之入之益深矣悲夫吾烏得起先生而與語此

回君傳 袁中道

回君者邑人予予為表兄弟深目大鼻鬚髯大類俳
場上所演回：狀予友丘長孺見而呼之謂回邑人遂
回之為回聰慧耽娛樂嗜酒喜妓入骨家有廬舍田畝
蕩盡遂赤貧善博戲時與人賭得錢即以市酒邑人皆
惡之予少年好嬉游絕喜與飲邑人以之規余曰吾輩
亦可共飲乃與無賴人飲何也予曰君輩烏足與飲蓋

余嘗見君輩飲也當其飲時心若有所思目若有所注
杯雖在手而意別有營強為一笑隨即愀然身上常若
有極大事相絆不肯久坐偶然一醉勉強矜持闕防忍
嘿夫人生無事不苦獨把盃一刻差為可樂猶不放懷
其鄙如何古人飲酒惟恐不舒尚借絲竹歌舞以瀉其
懷况有愁人在前乎回則不然方其飲酒之時而酒忽
至如病得藥如猿得果如久餓之馬望水涯之芳草蹄
足驕嘶奔騰而往也耳目一心志專自酒以外更無所
知于馬嬉馬語言重復形容顛倒咲口不收四肢

百骸皆有喜氣與之飲大能助人歡暢予是以日願與
之飲也人又曰此蕩子不顧家馬足取予曰回為一身
蕩去田產君有田千頃終日焦勞未及四十鬚髯已白
回不顧家君不顧身與家孰親回宜笑野乃反笑回
耶其人無以應回有一妻一子然率在外飲即向人家
住不歸每十日送柴米歸至門大呼曰柴米在此即去
其妻出取已去百步外矣膏繫一絲囊常虛無一文時
予問回曰虛矣何以為計回笑曰郎至矣既寔予又謂
曰未可用盡回又笑曰若不用盡必不來予曰何以知

之曰我自二十後無立錫田又不為商賈然此囊隨盡
隨有雖邑中遭水旱人多飢焉而予獨如故予自知天
必不絕我故終不憂予曰善回喪其子予往慰之回方
醉人家招之來咲謂予曰絕嗣之憂寧至我乎相牽入
酒家痛飲達旦嗟乎予幾年前性剛命蹇其牢騷不平
之氣盡寄之酒借回及豪少年二十餘人結為酒社大
會時各置一巨甌校其飲最多者推以為長予飲校多
已大酣恍惚中見二十餘人皆羅拜堂下時月色正明
相携步斗湖堤上見大江自天際來晶瑩耀朗波濤激

岸洶湧滂湃相與大叫笑聲如雷是夜城中居民皆不得眠
今予復以失意就食京華所遇皆貴人不敢過為顛狂
以取罪戾易州酒價貴無力飲其飲內酒黃酒不堪飲
且予近益厭繁華喜靜定枯坐一室或有两三日不飲
時量日以退與日以索近又戒殺將來酒皆須戒之豈
能如曩日之豪飲乎而小弟有書來乃云餘二十少年
皆散去獨回家日貧好飲日益甚予乃歎曰人不堪其
憂回也不改其樂賢哉回也

孟黃鸞辭傳

趙南星

黃鼯鼠醜也而大色黃尾修喙銳性嗜雞野則出食雞即雞多一一齧其頸啞其血竟河南有孟生者性亦嗜雞家貧不能常得雞則教誣平民于有司曰是侮我皆噉之雞以免即風馬牛不相及故挑釁得鷄乃已故里中皆稱孟黃鼯黃鼯為諸生人所食人之雞無筭其時上無雞而糴而寒而跣惟意所欲晚乃以歲貢謁選為恒山趙州廣文里中乃稍：有雞声矣黃鼯于諸生無貧富皆索束修其不與者則教使門子請之曰何少我不來一會面也寔黜之勤者不得專業惰者不得安

居勢不得不與錢黃鼯畜一彘病死以與諸門子諸門子以為無所用賞之耳既食乃索肉價其市物常用惡錢不售則芻其人以是買菜者皆遠遁其為廣文如此會高缺邑令上官乃以黃鼯攝之黃鼯至是吏胥及皂隸廝養卒皆覘其過掠治之人：皆與之錢以免訟者無曲直皆罰金錢頃之無敢訟者則令羣小察舉言語相稽皆罰之至鬻兒女或以婦人環瑱裙襦與之無不受者攝事凡數月所受取無筭新令將至則悉取邑中器物無精粗鉅細載以大車送之其齋中高邑長幼

聚觀有一人曰孟黃鼯非文攝吾邑也是吾邑之女子也此乃其嫁裝矣市人皆大笑無何而邑廣文缺上官又以黃鼯來攝學事黃鼯持錢十餘與諸門子曰吾無炊食爾每日為吾市食門子視之皆忠錢喻其意乃遞為供食其索束修之術如趙州諸生貧者嗇者無得免會諸生謁御史大夫賈公有欲言黃鼯者總片言賈公厲聲曰諸生無妄言孟廣文好官也諸生口咋而竟聞愠且笑而出君子曰不瞽不聾不能為公信哉孟黃鼯之名滿下邑一旦縮邑符化而為狼民則何辜賈公

近日士大夫之有名者也以黃鼯為好官蓋下有蔽之者以此知吏治矣

顧思之傳 宋 林澄

思之諱承學吳之華亭人也其曾王父學士東江公與余曾王父西庄公為總角交及東江公貴而西庄公委委億諸生中東江公時于搢紳中持其文嘆賞之久之東江公奉命簡士南都每抽讀士文至當意者輒謂同事曰得非我故人宋伯氏乎及剗剗竟卒不見姓氏始大咤謂鬼神無賴柰何使我失名士與故人歸而詢之

則曾王父固未嘗就試也于是東江公過曾王父而喟然曰嗟乎足下豈以余惜進賢冠如肝膽耶古人肝膽猶相挈也余方期舉足下以無負進賢而奈何億余之引嫌哉余今望子矣曾王父曰否：吾聞不盡人之情不竭人之歡以全交也使余就試子與他人誤而錄之未必有裨於國若猶然棄之不亦使吾子有自潔之嫌乎此泚水之所以不流也東江公起謝曰吾始以足下為可及今余且自涯而返矣卒交歡如初省齋公為東江公長子早卒子為浥江公浥江公為諸生時游白下

值予王考三江公于平康日亭午矣而三江公猶擁妓未起支目謂浥江曰可來偕寢浥江素以父行事三江至是亦遂忘之便脫衣上牀同被共被安然鼾睡時靡有爭己而夢覺三江與妓猶睡如初浥江公起座索寔徙倚門外有綠楊中繫一白馬金韉玉勒神駿非凡有剪頭胡雛假寢其傍浥江公喜馬之輕矯不問夫為誰就胡雛懷中探鞭攬轡策馬盤旋院中畧無抵止時侍從相失奔駛之際忽踏一姬于溝中院內人竟來叩扶浥江公至堂上叩其往來將加侮毀浥江公言其所自則

三江公擁卧之妓乃被踏嫗家妹也亟使人持馬迎宗家郎君來三江君上馬宿酒未醒婆：日影中移時而至見浥江公彷徨閣中歌來何暮携手大笑遣人更控馬迎妓至花前痛飲抵月落而散議者以為得晉人之致及白首鄰居締花石之盟始終不衰時人羨之思之其仲子也長余九歲及與余交在戊子之冬己縫掖再新矣嘗游白下依中表侯詔侯少養于浥江公長麓揮帥起家至南都守府思之初至侯館穀之具主人禮而思之竟弗膺視侯猶海鷗猶醢鷄也日就飲平康從

候索買笑錢；至手中足已出門矣久之候稍；厭倦急竟拂袖歸思之少與馮元甫交善元甫為故廷尉南江公諸孫以名家子師事王宇泰董玄宰兩先生善談名理工晉人筆法起草亭於東郭就移家焉思之與之痛飲無間寒暑晝夜有時衣婦人衣紅衫粉額盪漿吳歌声達牆外思之且歌且飲旁若無人觀者至于壞牆折樹人影滿地思之盪盪自如不為亂也忽跳水作汲人挈尾探殼如崑崙崙水精了無所碍水中拔腰間短劍亂擊蕪梗魚蝦爭躍運劍若丸號曰水闔

云吳俗有毒龍老蚌害人田禾故欲集劍水中遇便殺
之有時當大雪中衣紅鸚鵡衫坐大樹上持壺自傾倒嘯歌
不休諸人欲上輒下溺拒之自云身在半天鼠輩猶蚋
蟻第從屋隙住則樂極矣那容樹上啼耶元甫與友人
相頷大笑賞之後元甫卒無子故交或弔或否未有能哭
盡哀者思之入帛大慟感及中惟有至樂絕者友人大
嘆賞焉思之聞之曰世人解賞吾哭耶于是每遇哭者未嘗
不為之哀又未嘗不為之出涕而當事者亦未嘗不為之增
悲也余自庚寅游燕遭亡婦之喪奉老母命南歸鬱鬱不

得意與思之季修文度結詩酒交當是時陳二仲醇為
太原相公瑯琊司馬上客孝節偉行聳人所聞府縣諸
公皆折節虛左雖平原陸宗伯為當世達尊亦倒屣迎
之而獨喜交思之嘗曰思之得王謝家風微余與文度
亦以仲醇為然而思之更復不屑以為聖賢則周孔絕
德矣詩文則六經蔽之矣騷賦則屈宋擅之矣即顏賜
邾枚亦已效顰可羞况吾輩哉聞汝輩謂我似晉
人更是侮我當興所至即我心不知孰何又豈知輩刻
畫古人以為優孟耶且吾與其刻畫嵇阮孰若刻畫周

孔哉周孔之與嵇阮雖異若夫人之列畫其無耻一也我非不能頌耻而不為一時^皆駭其議獨余與文度以為名言性至孝其居母夫人之喪舉酒一呼潛淚竟席友人戲之曰是阮家步兵嘗一呻嘔斗血者也思之耻之嗣後情之所至輒閉門焚香禮四方祈母夫人蓮花生往：痛哭見人竟絕泪矣當乙未丙申之交余遭陽九而憂與未除居嘗與思之痛飲于庭前椿樹下一呼輒盡六七十卮然余竟不能敵思之往：堅壁以待乃思則縱橫酒鏡如入無人之境雖高五元申吳大

忠美號稱善酒于思之終不能為壘惟余差能突起不測如伏兵猝發于背水之間幸不奔北者屢矣以故社中號思之為酒將而里中醇謹之夫皆目我輩為顛間相携至火葬處拾枯骸作盃飲之漑以臂血使有生氣醉後擇生方深埋而奠之曰汝自為枯骸已來腦骨豈侵酒氣耶今日得吾輩勝東陵間死魘澆酒土上夜深直為狐狸作噴也時侯再總帥明州思之復遊越與侯君率不合航海而歸：無以為資就館穀于漢陽太守雪居孫公思之中表叔也嘗榻之宅內間留于宅

傍招提曰泰清菴中漢陽喜何元朗叔皮之為人好客
客恒滿座家僮四五十輩多習金元名家雜劇與大內
院本各成一隊綺麗如落日雲漢陽側耳注目如少不
當家即席呵譴而思之酒酣輒起座竟出項之金目胡
鼻頭軟雉毛衣五色錦^袍胡旋而來口中之詞非北
非南不雅不俗或訛刺時事或諛諧座中賓客無不絕
倒變幻萬端皆當人意漢陽往：客之復好擁漢陽公
龍陽逼之以酒當公主前不避漢陽卒命盡漉又時：
挾之閑游而漢陽知其無他竟不孰何思之思之亦多

無意為割袞事也自南北九宮興而唐宗小令暨長調
遂失其聲思之始高下抑揚宛轉激烈曲盡其妙尤喜
歌大江東去及岳武穆怒髮衝冠歌時髮上指百骸猙
獰声聞里許令騷人之思英雄之槩如在目前適唱之
馮元敏先生前生^先大嘆賞曰恨不令子瞻少保見之當
時朝雲與牛鼻輩非通嬌羞則太粗率豈能恆兩公
禮樂意哉思之幼與于二臯先善臯先以詩文雄于詞壇
才復不羈嘗偕思之于燈夕望門索飲口無他言飲盡
即出一夜傾十數家最後扣陸君策孝廉門孝廉方置

酒為太夫人壽使閹人辭為而兩君已入廳事矣聞閹者之辭攘臂大罵蒼頭盡奔頤堂中有一錦綉軸金書甚麗乃名公書太夫人文也兩君裂而嚼之黃金滿口相與大笑竟出太原王先生百穀聞之咲曰兩君可謂錦心綉口矣胤先好游得遊資即令銀工製兕觥鸚鵡之前壽太夫人壽畢即命減獲輩分頭索思之醉之然後徧召諸客居無何金盡而鸚鵡與兕觥皆羽化肉飛胤先卒不介意得金復如初也華亭狹斜枕西郊思之浮沉其中樂三十年每黃昏左右灯影燭光之前見

有禿衫不帽大笑濶步而來者必思之也思之又能為悲喜之辭以調諸妓當花月之夜朋從滿前忽發狂言妄陳新境雖珠宮金屋不難納妓于內以快其意諸妓無不抵掌大咲已而狀及衰頹喻深病苦指草席為軟棺名野犬為肉棺閻羅起于舌端羅刹生其口內苛責負心細張巧罰令合歡之被忽改冰池連理之枝悉森刀樹俄而奈何橋下業水騰波枉死城中鉄丸亂雨凄風黑夜啾々羨姊妹之歡娛旅鬼孤魂黯々尋鴛鴦之盟誓脩諸惡境歷萬業條諸妓又無不顰眉大哭人皆謂紅

粉之雍門云即中有吳平子者故名家子也能作賦有
膂力錙貫巨萬年十六七好飛黃走蒼鬪雞盤馬里中
少年附之日相與擊劍舞槩无工白打而性喜畜犬
嘗滿樓號曰犬臺日作炊籠哺之一日兩炊稍冷即不
復進亦不忍進有餘倘犬未就食卒不忍先嘗有少年
進獼猴平子大喜乃衣之紅衫冠以絳幘使之跨犬出
門蒼頭以金鼓道其前刀劍護其後一市人盡驚雖獼
猴亦不意崇礼如斯驚悚汗透紅衫平子恐紅衫之汗
獼猴也于是強獼猴浴卒不肯就浴平子使健兒以竹

擊之猴乃下盆戲擊水滿樓乘間跳躍出窓而去行屋
如飛主人大懊恨平子中美之弟也而思之又中美之
交也偶向思之道其感思之大笑曰吾能解之遂與中
美同諧平子平子素聞思之豪舍獼猴之痛而出見之
思之畧不寒暄中美人大言曰可以飲矣主人喜請就
飲室思之傾酒一尊起持大槩運上犬所居樓見犬便
殺平殺犬凡百蹄而盧鵲殆盡矣平子不知所為躑躅
庭中思之持槩下梯瞪目謂平子曰子以紅衫衣獼猴
何異以鐘鼓饗爰居乎夫獼猴之去意必曰弃人用犬

將焉用之且君畜犬謂獼猴不可徒行也今獼猴不脫冕而行矣吾謂子收其車乘毋令其起歸與之思以解君之左右輕去其主者平子不覺大咲豁然而罷先是有孝廉子能滑稽謂一落拓公子曰桑田變滄海奈何守桑田而坐待其變乎公子竒其慮凡先世之遺棄之不餘立錐而平子尤喜其策謂思之曰足下第笑傲詩酒間豈能深思如是乎思之隨口答曰吾思更有深于是者固待叩而發耳平子信其有竒乃膝席奉卮酒為壽而請之思之受酒整襟仰天再咲而言曰君知

桑田之變滄海獨不聞滄海之變桑田耶今第買滄海而俟其變則君之桑田異日庸可既乎子時聞者捧腹幾為腸斷思之落鬼自甘而不耐人倚勢有某甲者成萬歷乙未進士與友人洪子匡同年適思之過子匡而某甲在座酒間論制舉藝某甲視子匡曰設令我輩復戰寧有敗北事耶思之瞠目對曰觀君之書自當不落人後蓋以某甲工楷書耳舉座失色而思之坦然嘗與余輩二十人盪槳西郊更餘泊岸有貴人舟自北而來貴人余先人之讎也余嘗與思之道其事至是思之不暇

思維便踴躍上岸就貴人舟罵之貴人時携夫人同游而余友人輩率大醉又不知從行為夫人爭圍船痛辱貴人貴人偵知岸上客咸世家子弟難與爭鋒遂潛下小舟携夫人而遯余時醉卧舟中都不知貴人船倘知貴人來將不知抵止矣期年貴人竟死吾黨皆謂思之能以舌殺友人之讐云思之行書得米氏家法通篆隸亦不求甚工所為詩文惟尚清率嘗酒酣倚樹罵余輩曰若等苦欲工文抑知文不可工耶古之為文尚質而貴寔今也喜譽崇虛既虛且譽而欲求文之工此吾所以耻

而不為也而徒冒左史屈宗之皮毛以欺人耳目此其無耻亦何異吮癰舐痔乎其不屑不潔大都類此以故罕與人同卒牢騷以沒世焉素善飯不解病忽一日無疾而卒享年四十有六存沒年月具載子超之狀中思之嘗泛海有黃蝶如盆前導長年謂見是者多貴今思之已矣豈不於其身于其子孫即子四人長為超之超之能文弱冠為博士弟子員冠諸生將復文儒之始矣不肖既不能生同富貴死具含斂敢願忌于筆札之間以自免罪我故不敢躊躇而為之傳論曰昔人有言才

全者無虧成志全者無得失思之之偃蹇可勿論矣余
因思之而有感于世誼焉當梁松之驕魏文之貴而于
父行猶獨拜床下乃今人甫獲一第即弃世誼如遺甚
有羞其子孫之未達至掩耳閉目不屑言之嗟乎孝標
絕交之論豈為過乎始先人與一顯者為貧賤交殆其
將亡先人以口候其氣今某子貴矣豈微秦越且伺間
而下石焉不寧惟是至有身膺藩臬忘先人之急難雖
吉凶屢構咫尺若秦越然彼其肺肝何竟出黃雀白
下也噫不以存亡易心不以盛衰改節古之婦人猶

能守之今之君子猶爾背之世道之衰何日之有又吾
聞牛李之黨起自年誼君子謂觀過知仁爰因初以迄
嘉隆猶知世間有年家子使今青雲之士而以年誼謁
之有不食其肉而寢處其皮者鮮矣余雖未逢其人然
然寧斷足而不一及其門誠鄙之也嗚呼士生人世
安知己之不攀龍附鳳而猥自輕又安知貴人之不委
泥沙因蝼蟻而伊優其闔隸此非罪在貴人抑貧賤之
過矣第使貴人一旦遺榮無祿而人苟薄其子孫彼若
有知亦將切齒于地下而不知刻薄之行身自蹈之又

誰咎也然則當其生平交歡之時競以兄弟相呼骨肉相許豈兩人哉而前後異情者彼直以聲勢相附會非真有斷金朋之誼強而合倏而離國也嗟乎一貴一賤交情乃見一生一死乃見交情斯言誠千古之金鏡吾安得不死之藥石無涯之富貴以固友誼于千載俾刻薄之俗轉為忠厚乎余家與楊世叔孝廉同里孝廉之先與余家世為婚姻去世叔數世矣而世叔不以余家衰替遂廢中表之禮嗟乎安得如世叔之不忘其祖而與之聿修厥德乎若思之之痛罵貴人而主人能

則執兵而陪其後矣世誼又何篤乎余所以三致意也

負情儂傳 宋楫澄

王仲雍慎恨曲曰常恨負情儂郎令果行許作負情儂傳

萬曆間浙東李生系某藩臬子入貴游北雍與教坊女郎杜十娘情好最殷往來經年李骨告匱女郎頗以生頻來為厭然而兩人交益歡女姿態為平庸絕代兼以管絃歌舞妙出一時長安少年所藉以代花月者也母苦流連始以言詞挑怒李恭謹如初已而声色競嚴

明教海
卷四十二
女益不堪誓以身歸李生母自揣女非己出而故事教坊落籍非數百金不可且熟知李囊無一錢思有以困之令媿不辨庶日忘日去乃執掌詬女曰汝能聳郎君措三百金畀老身東西南北唯汝所之女既慨然曰李郎雖落鬼旅邨三百金不易聚倘金具而母負約奈何母策李郎窮途悔之指燭中花咲曰李郎若携金以入婢子可隨郎君而出燭之生花識郎之得女也遂相與要言而散女至夜半悲啼謂李生日郎君游貴固不足謀妾身然亦有意于交親中得緩急乎李驚

喜曰唯向非無心第未敢言耳明日故為束裝狀遍辭親知多方乞貸親知咸以生沉酒狹斜積有日月忽欲南轅半疑涉妄且李生之父怒生馳零作書絕其歸路今若貸非惟無所徵德且索負無從皆援引支吾生因循經月空手來見女中夜嘆曰郎君固不能辦一錢耶妾褥中有碎金一百五十兩向緣線裏絮中明日令平頭密持去以次付媽外此非妾所辦奈何生驚喜珍重持褥而去因出褥中金語親知親知憫杜之有心毅然各斂金付生僅得百兩生涕謂女吾道窮矣願安

所措五十金予女崔躍曰母憂明日妾從鄰家姊妹中謀之至期果得五十金合金而進媽欲負約女悲啼向媽曰母曩責郎君三百金，具而母食言郎持金去女從此死矣母懼人金俱亡乃曰如約第自頂至踵寸珥尺素非汝有也女忻然從命明日禿髻布衣從生出門過院中諸姊妹作別諸姊妹咸感激泣下曰十娘為一時風流領袖今從郎君蓋縷出院門豈非姊妹羞乎于是人各贈以所携須臾之間簪彊衣履煥然一新矣諸姊妹復相謂曰郎君與姊千里間關而行行李曾無約

約束復合贈以一箱，中之盈虛生不能知女亦若為不知也者日暮諸姊妹各相與揮淚而別女郎就生逆旅四壁蕭然生但兩目瞪視几案而已女脫左膊生絹擲朱提二十兩曰持此為舟車資明日生辨輿馬出崇文門至潞河附奉使船抵船而金已盡女復露右臂生絹出三十金曰此可以謀食矣生頻承不測快幸遭逢于時自秋涉冬嗟來鴻之寡儔詘游魚之乏比誓白頭則皎露為霜指赤心則丹楓交舞喜可知也行及瓜州舍使者餘艚別賃小舟明日欲渡暎夜薜月盈江練飛鏡寫

生謂女曰自出都門便埋頭頃今夕專舟復何顧忌且江南水月何如塞北風烟願作此寂：乎女亦以久淹形跡悲關山之迢遙感江月之交流乃與生攜手月中跌坐舫首生興發執卮倩女清歌少酬江月女宛轉微吟忽焉入調烏啼猿咽不足以喻其悲也有鄰舟少年者積鹽維揚歲莫將歸新安年僅二十左右青樓中推為輕薄祭酒：酣間曲神情欲飛而音響已絕遂通宵不寐黎明而風雪阻渡新安人物色生舟知中有尤物乃貂帽復陶弄形願影微有所^窺歸因扣舷而歌生推蓬

四顧雪色森然新安人呼生綢繆即邀生上岍至酒肆論心酒酣微叩公子昨夜清歌為誰生具以實對復問公子渡江歸故鄉乎生慘然告以難歸之故麗人將邀我於吳越山水之間杯酒纏綿無端盡吐情寔新安人愀然謂公子旅靡蕪而挾菴李不聞明珠委路有力交事乎且江南之人最工輕薄情之所鍾不敢愛死即鄙心時：萌之况麗人之才素行不測焉知不惜君以為梯航而密踐他約于前途則震澤之烟波錢塘之風浪魚腹鯨齒乃公子之一杯三尺也抑愚聞之父與色孰

親歡與害孰切願公子之熟思也生始愁眉曰然則奈何
曰愚有至計甚使於公子然而願公子不能行也公子
曰為計奈何客曰公子誠能割厭餘之愛僕雖不敏願
上千金為公子壽得千金則可以歸報尊君舍麗人則可
以道路無恐幸公子熟思之生既飄零有年携手挈影
雖駕樹之詛生死靡他而燕幕之樓進退維谷鞞藩狹
濟既猜月而疑雲燕啄龍聚更悲魂而啼夢乃低首沉
思辭以歸而謀諸婦遂與新安人携手下船各歸舟次
女挑燈俟生小飲生日動菑溫終不出辭相與擁被而

至夜半生悲啼不已女急起坐抱持之曰妾與郎君處
情境幾三年行數千里未嘗哀痛今日渡江正當為百
年欢笑忽作此面向人妾所不辭抑亦有離音何也生
言隨涕興悲因情重既吐顛末涕泣如前女始解抱謂李
生日誰為足下畫此策者乃大英雄也郎得千金可覲
二親妾得從人無累行李發乎情止乎禮義賢哉其兩
得之美願金安在生對以未審卿意云何金尚在是人
篋內女曰明早亟過諾之然千金重事也須金入足下
篋中妾始至是人舟內時夜已半過即請起為艷妝曰

今日之妝迎新送旧者也不可不工計妝畢而天亦就曙矣新安人已刺李生舟中得女郎信大喜曰諸麗卿妝臺為信女忻然謂李生昇之即索新安人聘 賞過船衡之無爽于是女郎起自舟中據舷謂新安人曰頃所携妝臺中有李郎路引可速檢還新安人急如命女郎使李生抽某一箱來皆集鳳翠霓悉投水中約值數百金李生與輕薄子及兩船人始競大咤又指生抽一箱悉翠羽明珠璫玉簫金管也值幾千金又投之江復令生抽出某羊囊盡古玉紫金之玩世所罕有其價蓋不貲云

亦投之最後甚生抽一匣出則夜明之珠盈把舟中人一一大駭喧聲驚集市人女即又欲投之江李生不覺大悔抱女郎大哭止之雖新安人亦來勸解女郎推生于側而啐詈新安人曰汝聞歌蕩情遂代勞鶯弄舌不顧神天剪綆落瓶使妾將骨殷血碧自恨弱質不能抽刀向儻乃復貪財強來縈抱何異狂犬方事趨風更欲爭骨妾死有靈當訴之明神不日奪汝人面且妾臧辰詒影托諸姊妹蘊藏奇貨將資李郎歸見父母也今畜我不卒而故暴揚之者欲人知李郎眶中無瞳耳妾為李

郎澀眼幾枯翁鳧屢散事幸粗成不念携手而修溺筭
簧畏行多露一朝弃捐輕于殘汁頷乃婪此殘膏欲收
覆水妾更何顏而聽其挽鼻今生已矣東海沙明西華
黍壘此恨糾纏寧有盡耶于是舟中崖上觀者無不流
涕詈李生為負心人而女郎已持明珠赴江永不起矣
當是時月擊之人皆欲爭毆新安及李生李生暨新
安人各鼓船分道逃去不知所之噫若女郎亦何愧子
政所稱烈女哉雖深閨之秀其貞奚以加焉宋幼清白
余自庚子秋聞其事于友人歲莫多暇援筆敘事至妝

畢而天已就曙矣時夜將分困憊就寢夢披髮而其音
婦人者謂余曰妾自恨不識人羞令人間知有此事近
幸冥司見怜令妾稍司風波間豫人間禍福若郎君為
妾傳奇妾將使君痛作明日果然幾十日而聞曰棄置直篋
中未携家南歸舟中檢舊稿見此事尚存不忍湮沒急
捉筆足之惟恐其復崇使我更捧腹也既書之紙尾以
紀其異復寄語女郎傳已成矣他日過瓜洲幸勿作惡
風波相虐倘不見諒渡江後必當復作寧肯折筆同盲
人乎時丁未秋七月二日去庚子蓋八年矣舟行衛河

道中拒滄州約百餘里不數日而女奴露桃忽墮河死
宋氏君求傳宋楸澄

旅曾孫楸澄曰新之幼也讀世父君求傳見其賣東
岡立皇后張氏有儀秦之風及讀叔父所作傳抑又
知幾者大羹既將辛酸是陳是為君求傳

君求諱志孝少補諸生非其好也坐陷西庄公不中遂
亡之京事中貴人浦智浦司吳越御衣君求從而南浦
將市竒貨局之數百金君求好施予及飲博而癖于平
康數月金盡空手見浦怒欲死之君求曰我亡金亦

凶不如生我亦能生金浦竒其言寬其約君求乃假
浦驕從出入衣冠甚設陽言于羣小曰內臣客我羣小
因訟言曰官惟君求是聽于是府中無貴賤交事君求
中外欲請謁浦者多因君求君求故引避諸人愈敬信
不百日還浦所屬金數倍浦大喜始重任君求初君求
與東岡甚密東岡之奏訟西庄公也君求多居間已而
東岡屢負遂和于西庄公自言為君求所賣君求始大
慙望至是思所以報之乃裝蛟龍錦十箱糊題極固若
將遠行狀經過東岡家相與道故極歡酒次乃日行將

抵越而復于吳行李往來叵測幸頃弟家命從人自舟中携上開中一箱取物皆故衣襦器開閉甚艱東岡笑曰止勿開他箱別旬日忽有數十人駟擁君求而來皆持刀杖君求銀鑄于堂柱人盡北音大罵曰此賊盜御服稱頃若家尚思倖免耶分布從者急索東岡得之床下與君求對鎖盤旋拷掠既酷昇前所寄十箱開之堂上鱗爪非常皆民間所禁東岡計窮乃出生平之蓄以求免君求亦為之懇於北人北人始携君求去乃從浦還京再客鮑忠家忠亦內侍也鎮豫章邀君求往宸

濠生期鮑出菊扇索君求題詩壽濠嗟賞良久謂鮑曰卿其倩人乎鮑以情對濠請相見賜余甚厚及再陰知濠反情說鮑曰豫章非用武之地奉化扼其前昭信尾其後王狼而戾下悖而囂無方收也不如避之鮑懼託君求行賂于京以乞請代未几而宸濠反新鎮竟坐誅鮑得君求之免死也今持教萬金偕貴戚家奴請益引遼陽諸貴戚奴故暴橫郎官余教有意抑之愆期不給家奴毀解門而入大詬郎：訴于朝君求策武宗必先籍賣人金星夜輦金度榆関而西已而詔下貴人金盡

在籍中獨鮑氏獲免君求嘗以他事下錦衣獄中有邊將觸江彬、隔以事至受御杖詔獄時溽暑彬示意獄吏嚴三木所居勿得引風令襦襪以死君求重怜之厚賂獄卒得寬械約涼少蘇說獄吏曰是人有功邊陲外人皆知汝曹逢迎江意異日妻子訟寃江豈能保汝曹乎不如生之以不死報江可也獄卒雅信君求反為將軍購湯藥因得不死無何彬誅會赦邊將持百金為壽君求却之曰吾怜君死于寃不圖君生而報也世廟龍飛遷立皇后未定君求說鮑曰君今危矣雖然余猶能安

君也鮑大驚請受教君求曰君向結皇太后以自固今太后之日西墜矣君何不自附于扶桑之日使其得如朝霞之映餘輝乎鮑曰吾以卿為義和敢不唯命君求進曰昨觀選中諸女唯張氏美且福然而貧無援君若請于太后而立之此所謂扶桑者也鮑大喜君求乃見皇后父曰君誠欲富貴乎將以為名乎張笑曰富貴我君求曰君欲女為皇后而以德容自媒徒自苦耳所善鮑司禮可謀也乃偕張見鮑、與張結為兄弟明日請之太后且說太后立皇后以樹恩復散十萬金于官府

張皇后乃得立君求少受府中鞭箠及為校尉南還持
持貴人書謁刺史刺史重君求父節狹引坐款語時君求
子復為錦衣西司房校尉兼官百長刺史問郎君無恙
乎君求起曰西司邏緝無暇刺史愕然及出不覺引蓋
送至外門嘗武宗時君求頗橫至世廟始稍自緝長
子早亡次子懷德詔守錦衣獄尋卒與君求俱葬京師
論曰余叔父遜菴公最純謹然其傳家乘亦復不廢君
求甚哉其悟于物理也萬物各盡其靈龍鳳之祥伊
人是豢蛟蜃猛志真或近焉制之刀圭而存左唯命矣若
君求亦未遇刀圭者也

陸彥先傳蔣鏞

余年十六而識彥先彥先自喜為詩名藉甚公卿間
中歲不得意乃益自放人呼曰癡翁微酣踉蹌突至童
子詳云癡翁來則皆走而余先君獨雅愛之彥先之尊
人啟孫先生于先君為中表兄弟呼先君表叔又聚余
族姊先君度甚莊內外子姓亦無弗莊事先君者唯彥
先任性礪礪自如每造先君必索酒至則高吟所著
詩襍以他語杯入手數為語奪語又數為酒奪兩不可竟

而炙酒喜極燥且炙且飲且飲且高吟輒竟夜或頽
然醉縱談古今不平事戟手瞑目繼以痛哭而先君擁
褐聽之亦竟夜不休家釀善酒味冽彥先晚之曰此三
白耶吾欲首論造三白者叔父宜從坐先君大咲屬余
兄弟此異人也母以痴易之彥先有至性逾三十舉一
子而殤不勝悲愴盡燒筆硯托酒人自豪酒適或占歌
詩韵檢甚超或聘之捉刀亦弗謝平生詩皆醉後擊唾
壺走筆而成然氣易盡故不復作長篇景語殊曠情語
殊楚致語殊逸不甚計工拙而得句輒沾、聊以消

其無聊之况至人間齷齪雖夢想亦不及以故家四壁
立余姊控針自給內顧益不可堪間有贈片金者懷以
歸家人迫攫之金盡出而交摛未已則或經歲月不敢
歸而余及二三友人舍中或寄僧廬故其詩骨肉頻年
盡肝腸遇節摧春風吹萬卉不到轉蓬人又情獨愛
難捨心惟悲最傷只緣兩重障遂發一朝狂句絕淒斷
彥先有至友徐君声遠王君孟夙兩人皆善余各有高
韵而酷愛彥先忘機後乃善陳生古白三君酬答極多
彥先多畏尤畏鬼畏蟲畏爆声而起居簡率衫袖淋漓

尚羨剝落糟氣拍人同舍者走匿踉蹌大叫抱一老傭
 卧曉起亦復恬然一日客省中別館主人兩戒青衣伴
 之彦先忽醉卧覺而呼青衣不應遽起取衾自裹匿戶
 扉頃之青衣持炬至驚喜躍出青衣大慄一兒慄死又
 一日與孟夙步西湖堤上青蟲罽衣幅頽見裂衣驚走
 里許不可止武士有仗策弗售者窮且餓野哭彦先頽
 問之亦相持哭甚哀悲感行路或唁之曰乃父子耶何
 悲也晚歲客喬將軍一琦喬怜其無子遣一妾侍之
 彦先意頗醜而貧且憊為奔走計饕餮若有家累者

欲以娛所歡而力弗任歲餘困疲乃死蔣生日彦先多
 喜觀為余從伯父平仲館甥伯父曠懷高韵彦先若臭
 味而伯父反不甚契彦先：君子願獨知之之文章有
 神交有道其然乎其然乎方彦先以貧死余亦落鬼不
 不自振友人欽愚公張豫誠諸君為治產食其未亡人
 陳古白為檢其遺稿壽諸梓余無一焉生慚中散死媿
 南州今已矣乃悉生平所習見者為之傳世有讀余之
 文毋笑彦先為痴人者而吾與之談至人矣

Vertical columns of text within a rectangular frame, likely bleed-through from the reverse side of the page. The text is mostly illegible due to fading and the watermark.



